

四庫全書

子部

欽定四庫全書

子部

玉海卷一百六十一

詳校官中書臣張經田

主事臣祁韻士覆勘

總校官進士臣

朱鈺

校對官編修臣

盧遂

謄錄監生臣

呂燕昭

欽定四庫全書

玉海卷一百六十一

宋 王應麟 撰

宮室

堂

古者為堂自半已前虛之謂堂半已後實之為室堂者當也謂當正向陽之屋

堯堂

史記太史公曰墨者言堯舜堂高三尺土階三等茅茨
不剪采椽不斷 論衡莫莢生於階下須臨堂察之乃
知莢數 禮器疏天子之堂九尺此周法也

明堂位正義多士傳云天子堂廣九雉三分其廣
以二為內五分其內以一為高東房西房北堂各
三雉

孔子堂 講堂

書序魯共王升孔子堂聞金石絲竹之音 後漢紀永

平十五年三月幸孔子宅親御講堂說經 祭彤傳永

平中坐孔子講堂顧指子路室云云 鮑永傳孔子闕

里無故荆自除從講堂至于里門 郡國志王屋縣有

孔子學堂 九域志鄆州古講堂孔子為中都宰於此

堂教授兗州有孔子學堂雩臺 鄭玄別傳北海有儒

林講堂

漢朝堂

西都賦左右庭中朝堂百僚之位蕭曹魏邴謀謨乎其

上佐命則垂統輔翼則成化 西京賦朝堂承東溫調

延北 考工記外有九室注如今朝堂諸曹治事處疏

謂正朝之左右為廬舍者 後明帝紀永平十七年五

月公卿百官以帝威德懷遠祥物顯應並集朝堂奉觴

上壽 後傳袁安為太僕元和二年武威太守孟雲上

書南部鈔掠宜還其生口詔百官議朝堂和帝即位實

憲擊北匈奴安與宋由任隗及九卿詣朝堂上書諫至

免冠朝堂固爭者十上 朱暉永平初東平王蒼聞而

辟之正月朔旦蒼入賀坐朝堂求璧不可得暉奉之

張酺為太尉與司隸校尉晏稱會於朝堂 鄧騭等永

初中並奉朝請有大議詣朝堂與公卿參謀 班勇為

軍司馬元初六年公卿以為宜棄西域鄧太后召勇詣

朝堂會議 黃瓊爭議朝堂莫能抗奪 竇武陳蕃共

會朝堂 陳球為廷尉官者欲別葬竇太后詔公卿大

會朝堂令中常侍監議 應劭為車騎將軍掾中平二

年漢陽賊與羌胡為寇詔百官大會朝堂皆從劭議

鮮卑熹平六年秋寇邊召百官議朝堂議郎蔡邕議曰
云云 蔡邕獨斷赦令召三公詣朝堂受制書 晉志

漢遣將出征授節鉞於朝堂晉令有朔望集公卿於朝

堂

漢玉堂

詳見建章宮

列傳李尋對臣位卑術淺過隨衆賢待詔久汙玉堂之
署注師古曰玉堂殿在未央宮 揚雄解嘲幸得遭盛

明之世歷金門上玉堂注晉灼曰黃圖有大玉堂小玉

堂殿 翼奉上疏孝文時未央宮無玉堂殿 谷永對

抑損椒房玉堂之盛寵注椒房皇后所居玉堂嬖幸之

舍 史記玉堂壁門正義漢武帝故事云玉堂內殿十

二門階陛咸以玉為之門三層臺高十餘丈椽首耨以

璧為之因名壁門 郊祀志建章宮南有玉堂壁門 眺瑤

堂 後靈帝紀中平三年二月修玉堂殿 靈帝又造萬金堂

官志玉堂署長一人本注宦者主中宮別處 翟酺傳

上疏曰損玉堂之盛尊天爵之重 宦者傳使鈞盾令

繕修南宮玉堂又鑄四鍾懸於玉堂及靈臺殿前

按靈紀已

下云云則東都別有玉堂

西都賦金華玉堂

西京賦宣室玉堂

譬衆星之環極

三輔黃圖未央宮有殿閣三十二楹

房玉堂在其中漢宮閣記云未央宮有玉堂宣室閣漢

書曰建章宮南有玉堂壁門三層臺高三十丈玉堂內

殿十二門階陛皆玉為之又玉堂神明堂二十六殿

漢武故事玉堂去地二十丈 喬公鼎銘延公入于

玉堂前廷 洛陽宮殿名南宮有玉堂前後殿

漢甲觀畫堂

成帝紀元帝太子宫甘露三年生甲觀畫堂

元后傳云甲館黃

圖曰宮殿中采畫之堂在北宮

應劭曰在太子宫黃圖同

霍光傳止畫室中不

入注雕畫之室

西都賦豐冠山之朱堂

西都賦左

城右平注摯虞決疑要注曰太極乃有陞堂則有階無

陞平以文塼相亞次城為陞級

西京賦云云注城階

齒也天子殿高九尺階九齒各有九級其側階各中分

左右左右齒右則滂沲平之令輦車得上

漢延清堂

見殿類

漢始生堂

章紀元和三年二月癸酉還幸元氏祠光武顯宗於縣舍正堂明日又祠顯宗於始生堂皆奏樂詔復元氏七

年徭役

明帝建武四年光烈后從征彭寵生于常山元氏傳舍永平五年十月行幸鄴常山三老言曰

上生於元氏願蒙優復詔復元氏縣田租更賦六歲

漢黃堂

郭丹傳太守杜詩勅以丹事編黃堂以為後法注太守之聽事

漢承明堂

袁紹傳抽戈承明注山陽公載記曰紹等入端門遂於承明堂上格殺中常侍高望等二人

蜀漢爵堂

蜀都賦內則議殿爵堂武義虎威宣化之闈崇禮之闈華闕雙邈重門洞開金鋪交映玉題相暉

魏鳴鶴堂

魏都賦注聽政殿後有鳴鶴堂椒梓坊木蘭坊文石室
後宮所止

魏東西堂

山謙之丹陽記太極殿周制路寢也秦漢曰前殿今稱
太極曰前殿洛宮之號起自魏東西堂亦魏制於周小
寢也皇后正殿曰顯陽東曰含章西曰徽音又洛宮之
舊也含章名起後漢顯陽徽音亦起魏 輿地志洛陽

有顯陽殿皇后正殿也魏明所建

昭陽晉避諱改在大
極之北鑄黃龍高四

丈鳳凰二

丈置殿前

魏茅茨堂

水經注河南魏文帝茅茨堂前有茅茨碑是黃初中所立也

晉太極東堂 尚書都堂

晉制大會於太極殿小會於東堂 列傳山簡為尚書

左僕射領吏部上疏曰武帝受禪泰始之初躬親萬機
時黃門侍郎王恂庾純始於太極東堂聽政平尚書奏

事多論刑獄 王渾奏先帝時正會後東堂見征鎮長

史司馬諸王國卿諸州別駕 郤詵遷雍州刺史武帝

於東堂會送 摯虞舉賢良武帝詔諸賢良方正直言

會東堂策問 李密賜餞東堂

孝友

成帝紀咸康六年

七月乙卯初依中興故事朔望聽政於東堂 宋符瑞

志咸康二年四月甘露降尚書都堂桃木 魏甘露元

年二月丙辰宴羣臣於大極東堂 齊東堂校籍

晉宣猷堂

文選陸士衡機皇太子宴玄圃宣猷堂詩云云注宣猷
堂名在園中 南朝亦有之齊東宮玄圃園宣猷堂梁
宣猷堂宴餞中庶子謝朓梁太子於東宮宣猷堂開講

晉仁壽堂

晉宮閣名洛陽宮有則百堂螽斯堂休徵堂延祿堂仁
壽堂綏福堂含芳堂樂日椒華芳音顯成承光五福嘉
寧堯母永光長壽堂

晉西堂

宋志晉咸康元年四月二年四月甘露降西堂 周顛

傳帝燕羣公于西堂 桓冲傳冲將之鎮帝餞於西堂

賜錢五十萬 宋書蔡廣荅傅亮曰如今含章西堂足

下在僕射下侍中在尚書下 宋太子納妃於太極殿

西堂叙宴

晉樂賢堂

五行志成帝咸和六年正月丁巳會州郡秀孝於樂賢

堂 蔡謨傳彭城王紘上言樂賢堂有先帝手畫佛像

宜勅作頌帝下其議謨曰佛者夷狄之俗非經典之制

遂寢

宜城王為之頌

庾闡有樂賢堂頌 梁太子起樂賢堂

使畫工先圖劉孝綽

晉積弩堂

初學記費北有積弩堂晉成帝作見宋永初山川古今

記 梁庾肩吾詠疏圃堂

晉中堂

穆紀升平元年三月帝講孝經壬申親釋奠于中堂

禮志穆帝孝武權以中堂為太學 宋紀泰始五年三

月丙寅幸中堂聽訟

晉延賢堂

宋志晉太元十九年正月華林園延賢堂西北李連理
宋永初元年十二月二年十月癸卯元嘉三年五月
丙午臨延賢堂聽訟

宋閱武堂 梁儀賢堂

紀宋孝武帝即位十月癸未聽訟於閱武堂 齊永明

四年正月辛亥耕籍田甲寅幸閱武堂勞酒戊午幸宣

武堂講武

建元元年九月戊申幸宣武堂宴會詔賦詩

梁天監六年九月

乙亥改閱武堂為德陽堂聽訟堂為儀賢堂

朱异於儀賢堂述老

子太清元年五月丁酉幸德陽堂宴羣臣

後魏清徽堂 觀德殿 流化渠 凝間堂

茅茨堂 皇信堂 宣極堂 光極堂

後魏傅孝文南征還洛引見王公侍臣於清徽堂帝曰
此堂成來未與王公行宴樂之禮今與諸賢欲無高而

不升無小而不入因之流化渠洗煩池帝曰此池有嘉魚任城王澄曰所謂魚在在藻有頌其首帝曰且取王在靈沼於捩魚躍次之觀德殿帝曰射以觀德故以命之次之凝間堂帝曰此堂取夫子間居之義不可縱奢以忘儉自安以忘危故此堂後作茅茨堂謂李冲曰此東曰步元廡西曰游凱廡此堂雖無堯舜之君卿等當無愧元凱帝曰光景垂落朕同宗有載攷之義卿等將出何得默爾德音即命黃門侍郎崔光郭祚通直郎

邢巒崔休等賦詩燭至公卿辭退冲再拜上千萬歲壽
帝曰卿等以燭至致辭復獻萬壽朕報卿以南山之詩
乃曰燭至辭退庶姓之禮在夜載攷宗族之義卿等且
還朕與諸王宗室欲成此夜飲又詔延四廟之子下逮
玄孫之胄申宗宴於皇信堂令宗室賦詩又會百寮於
宣極堂行飲至策勲之禮 紀太和十九年十二月甲
子見羣臣光極堂

唐朝堂

儀衛志百官就班文武列于兩觀監察御史立於東西朝堂軛道以涖之平時傳點畢內門開監察御史領百官入夾階監門校尉執門籍曰唱籍序班于通乾觀象門南入宣政門朝堂置左右引駕三衛六十人 禮志

元正冬至朝賀有司設羣官客使等次於東西朝堂設門外位文官於東朝堂介鄰公在西朝堂之前武官在介公之南少退每等異位重行皇帝加元服設門外位於東西朝堂如元旦皇太子加元服九品已上皆詣東

宮朝堂餘公服集於重明門外朝堂冊太子有司設太子次于東朝堂之北西向官志左諫議大夫垂拱二年鑄銅匱四列于朝堂內謁者監命婦下車則導至朝堂奏聞監察御史分日直朝堂入自側門非奏事不至殿庭正門無籍知朝堂左右廂天授中詔側門置籍得至殿庭開元七年又詔隨仗入閣鴻臚卿凡獻物駝馬則陳于朝堂太府丞會賜及別勅六品以下賜者給於朝堂賈錄貞觀元年五月癸丑勅中書令侍中於朝

堂受訟二年八月甲戌幸朝堂親覽冤屈開元二年二月癸丑宴突厥使新羅王子八月辛巳引見河隴從軍壯士置酒享之十五年四月丙午王君奭凱旋置食宴之二十年五月丁卯召河北立功將士宴勞是歲二月二十二年九月辛巳宴朝集使二十四年二月甲寅宴新授縣令皆於朝堂至德二載九月丁亥廣平王東討百寮拜送于朝堂 會要建中元年二月於朝堂別置三司決庶獄辨爭者輒擊登聞鼓右司郎中裴諝上疏

上命歸於有司太和四年三月三院御史入朝堂前無
止泊所請置祇候院長慶元年八月於中書南置僕射

祇候院 通典朝堂冊命諸臣設受冊者次於東朝堂

魏徵拜太子太師詣朝堂辭

六典注棲鳳閣下即朝堂 舒元興

御史臺新造中書院記御史府故事於中書之南
常有理所太和四年於政事堂直阡之南選地以作
之號中書南院院門北闢嚮朝廷也觀者命為御史北
臺

唐政事堂

百官志

兼据宰相表

唐初三省長官議事于門下省之政事

堂高宗弘道元年十二月甲戌裴炎自侍中遷中書令

乃徙政事堂于中書省

會要永淳二年七月即弘道元年李華記光宅二年徙恐非光

宅元年炎已誅通鑑

弘道元年十二月徙開元中張說為相

會要十一年

又改政

事堂號中書門下政事印亦改為中書門下之印列五

房於後一曰吏房二曰樞機房三兵房四戶房五禮刑

房分曹以主衆務焉中書舍人一人知制誥顯進畫給

食政事堂 五行志乾符六年宣授宰臣制百官班賀

于政事堂

列傳裴炎改中書令

永淳二年以侍中遷

舊例宰相

議事于門下省號政事堂長孫無忌以司空房玄齡以

僕射魏徵以太子太師皆知門下省事至炎以中書令

執政事筆故徙於中書省 李靖二日一至中書門下

平章事 崔元綜天授初同平章事坐政事堂東帶終

日不休偃 源乾曜進位侍中議者言執政以同休戚

不崇異無以責功

會要開元十年八月

帝乃詔中書門下共食實

戶三百

十一月二十八日

堂封自此始

齊澣有王佐才玄宗

時張說擇丞轄以王丘為左澣為右李元紘杜暹當國

表宋璟為吏部尚書澣及蘇晉為侍郎世謂臺選嘗奏

事帝指政事堂曰非卿尚誰居者李峴為相故事政

事堂不接客自元載為相中人傳詔者引升堂置榻待

之峴至勅吏撤榻苗晉卿年老乞間日入政事堂

李吉甫為相初政事堂會食有巨牀相傳徙者宰相輒

罷不敢遷吉甫笑曰世俗禁忌何足疑邪徹而新之

常袞為相政事堂北門

一云後門

異時宰相過中書舍人院

咨訪政事至袞乃塞之

大曆十二年會要建中四年

以示尊大將辭

堂封它相不從方止

鄭餘慶為相主書滑渙指畫宰

相前餘慶叱去

鄭珣瑜為相王叔文內交奄人攘撓

政機韋執誼為宰相居外奉行叔文至中書直吏白宰

相會食百官無見者執誼起就閣與叔文語珣瑜曰吾

可復居此乎歸卧家不出

鄭覃五日一入中書商量

政事

杜佑憲宗詔三五日一入中書平章政事

會要元和

二年正月司徒平章事杜佑告老云云

裴度文宗詔進司徒平章重事三

日一入中書

太和四年六月

孔緯昭宗送至堂視事 會要

至德二載三月宰相分直政事堂之筆每一人知十日

謂十日一易

貞元十年五月八日又分每日一人執筆

先是九年

七月詔宰相以旬秉筆從陸贄之請也

總章二年諸宰相以政事堂供饌

珍美議減其料

張文瓘傳云同列以堂饌豐餘欲少損

東臺侍郎張文瓘

曰此食天子所以重機務待賢才也不可乃止

大歷十二年八月

月癸卯常袞乞停賜饌建中三年正月宰相請堂厨錢三分省一

開元元年十二月蘇

題除中書侍郎仍令宰臣宣指移文政事院便供政事

食明日加制誥

本傳云給食自題始

天寶五載六月三日勅三

伏內令宰相辰時還宅大和元年四月宰臣對罷名常

侍諫議給事舍人起居補闕拾遺集于政事堂宣旨有

論奏並宜對 元和八年十一月壬子上命丞相召太

史韓愈至政事堂諭以田弘正忠義令撰先廟碑 李

華中書政事堂記云政事堂者自武德以來常於門下

省議事謂之政事堂故長孫無忌起復授司空房玄齡

授左僕射魏徵授太子太師

一作保

皆知門下省事至高

宗光宅元年裴炎自侍中除中書令執宰相筆乃遷政
事堂於中書省記曰君不可枉道於天反道於地覆道
於社稷無道於黎元此堂得以議之臣不可悖道於君
逆道於人黷道於貨亂道於刑尅一方之命變王者之
制此堂得以易之兵不可擅誅權不可擅施貨不可以
擅蓄主澤不可以擅奪君恩不可以擅問私讎不可以
擅報公爵不可以擅私此堂得以誅之事不可以輕入

重罪不可以生入死法不可以剝害於人財不可以擅
加於賦情不可委之以倖亂不可啟之於萌代紊不賞
削紊不封知荒不救見饑不矜逆諫自賢違道變古此
堂得以殺之故曰廟堂之上樽俎之前有兵有刑有梃
有刃有斧鉞有醜毒有破家有覆族此堂得以行之故
伊尹放太甲之不嗣周公逐管蔡之不義霍光去昌邑
之亂梁公正廬陵之位君弱臣強之後宰相主生殺之
柄天子掩九重之耳燮理化為權衡論道變為機務傾

身禍敗不可勝數列國有傳青史有名幸為誠之無罪
斯記 李庾賦西則月華重啟銀臺內向中書在烏密
用宰相 杜甫詩落筆中書堂

唐號令堂

地理志太原府晉陽縣有號令堂高祖誓義師于此西
北十五里有講武臺飛閣顯慶五年築

唐西堂

魏鄭公諫錄太宗坐於丹霄門外之西堂引公及李靖溫

彥博等入宴言羣臣才行

唐東堂

舊史開元十七年八月乙酉尚書右丞相張說為尚書
左丞相開府儀同三司兼吏部尚書宋璟為尚書右丞
相尚書左丞相源乾曜為太子少傅 宋璟傳十七年
為尚書右丞相而張說為左丞相源乾曜為太子少傅
同日拜有詔大官設饌太常奏樂會百官尚書省東堂
帝賦三傑詩自寫以賜

唐尚書省都堂

通典唐開元禮朝集使於尚書省禮見奉禮即先布版

位於尚書省都堂之前

舊尚書令有大廳當省之中今謂之都堂

會要貞

觀九年十一月二十九日勅冬薦官都堂訪以理術兼

時務狀 貞觀二十一年正月詔五品已上於尚書都

堂餞回紇等 舊紀貞元九年十一月甲辰制薦官宜

令尚書丞郎於都堂訪以理術論時務狀考其通否及

歷任考課事迹定為三等御史一人監試授官後殿最

舉主元和三年四月己卯裴均為尚書省都堂上僕射

唐起義堂 宸扆台衡銘

地理志北都宮城東有起義堂

又見晉陽宮類

音訓起義堂

在乾陽門街玄宗立碑仍書

理道要訣引玄宗起義堂碑

舊史開

元十一年正月辛卯幸并州上親製起義堂頌及書刻

石紀功于南街改本州為大原府

會要十一年正月二十五日至并州張說

曰太原國家大業所起宜因行幸建碑紀德

文粹起義堂頌

或云一行撰或云張說

高祖龍躍晉水鳳翔太原開咸陽入天門金石一變日

月重華癸亥之歲春正月濟河橫汾緬慕本邦姬詠周
原劉歌沛邑火旗炎炎雲鳥洋洋五星迓帝萬國謳唐
威雅連戮老生摧斃山祗引軍河龍渡帝帝謂太宗表
正封畧濤蕩颺掃霆馳雷爍於昭義堂誓衆資始云張
說述聖頌曰開元十有一祀正月整兵耀武入于太原
設都建頌以崇王業 馬燧傳德宗初為河東節度使
朱泚反帝幸梁時天下方擾北邊數有警燧念晉陽王
業所基宜固險以示敵乃引晉水架汾而屬之城及平

李懷光還太原帝賜宸宸台衡二銘并序以言君臣相成

之美勒石起義堂西偏帝榜其顏而寵之會要云貞元九年十月上以馬

燧平汴宋魏博河中其功益高
賜宸宸台衡二銘 一云元年

唐考堂

舊紀建中元年十一月辛酉朔朝集使及貢士見宣政

殿兵興以來四方州府不上計內外不朝會者二十五

年至此始復舊制州府計吏至者一百七十三 柳冕傳冕為福建

觀察使自以久疏斥乃上表乞代且推明朝覲之意曰

臣竊感江漢朝宗之誼鹿鳴君臣之宴夫朝會禮之本也唐虞之制羣后四朝以明黜陟商周之盛五歲一見以考制度漢法三載上計以會課最有唐稽古天下朝集三考一見皆以十月上計京師十一月禮見會尚書省應考績事元日陳貢篚集於考堂唱其考第進賢以興善簡不肖以黜惡安史亂常始有不朝臣請率先德宗許之李林甫傳天寶八載張博濟為戶部郎中部有考堂天下歲會計處博濟廢為廳事別取都水監地

為考堂

會要云以諸州籍帳錢造考堂

會要貞觀三年房玄齡王珪

掌內外官考權萬紀奏其不平魏徵奏曰萬紀比來常在考堂當時初無駁正及身不得考乃始陳論上乃釋不問

唐綠野堂

裴度傳時闈豎擅威天子擁虛器搢紳道喪度不復有經濟意乃治第東都集賢里午橋作別墅具煥館涼臺號綠野堂激波其下度野服蕭散與白居易劉禹錫為

文章把酒窮晝夜相歡不問人間事

唐德星堂 德星社 復禮鄉 鳴珂里 一

門六闕 三柱里

列傳崔鄴貝州武城人崔氏四世總麻同饗兄弟六人
至三品邠鄴鄴凡為禮部五吏部再唐興無有也居光
德里構便齋宣宗聞而歎曰鄴一門孝友可為士族法

因題曰德星堂後京兆民即其里為德星社

崔邠上疏論裴延齡

姦以鯁亮知名邠類六經要言十篇上敬宗治
號以寬泄邠則嚴鄴節度劍南西川及淮南

徐岱

蘇州嘉興人大厯中為校書郎觀察使李栖筠欽其賢
立所居為復禮鄉名達于朝 張嘉祐蒲州猗氏人兄

嘉正為相時任右金吾衛將軍昆弟每上朝軒蓋駟導
盈閭巷時號所居坊曰鳴珂里 朱敬則亳州永城人

以孝義世被旌顯一門六闕相望咸亨中高宗召見異
之 楊炎鳳翔天興人三世以孝行聞至門植六闕古

所未有 後為相 劉仁軌汴州尉氏人咸亨五年東伐新

羅破之進爵為公子及兄子受上柱國者三人州黨榮

之號所居為樂城鄉三柱里 後漢荀淑有子八人居西豪里縣令苑康曰昔高陽氏有才子八人遂書其里為高陽里時人號曰八龍

宋朝都堂

國初典禮之事當集議者皆先下詔都省吏以告當議之官悉集都堂設左右丞座於堂之東北南向御史中丞於堂之西北南向尚書侍郎於堂之東廂西向兩省侍郎常侍給事諫舍於堂之西廂東向知名表郎官於

堂之東南北向監議御史於堂之西南北向又設左右
司郎中員外於左右丞之後三院御史於中丞之後郎
中員外於尚書侍郎之後起居司諫正言於諫舍之後
如有僕射御史大夫即座於左右丞中丞之前如更集
它官即諸司三品於侍郎之南東官一品於尚書之前
武班二品於諫舍之南皆重行異位卑者先就席以官
高者為表首 祥符四年五月一日詔曰文昌揆路師
長百僚自今宰相官至僕射者並於中書都堂赴上不

帶平章事者亦本省赴上令太常禮院崇文院詳定儀
注明年二月禮院上儀注至和二年七月九日詔宰相

召自外者百官班迎之自內拜者聽行上事儀

文富入
相然亦

辭

之元豐五年五月九日詔新除左右僕射赴尚書省行禮

上儀 建炎四年五月二十日詔侍從臺諫官並赴都
堂議事隆興二年十一月二十一日詔多事宜博謀侍
從兩省官每日一到都堂臺諫亦許會議

唐六典凡議謚之法太常寺擬訖考功於都堂集省內

官議定然後奏聞 唐故事藩鎮帶平章事合於都堂
治事刊石以紀官族視事之歲月

宋朝政事堂

官志中書在朝堂西是為政事堂其屬有舍人專職誥
命闕則以它官知制誥或直舍人院院在中書之西南
國朝中書門下並列於外又別置中書於禁中是為
政事堂與樞密院對掌大政 乾德二年四月十九日
置參知政事不升政事堂止令就宣徽廳上事

淳化飛白玉堂

二年十月賜承旨蘇易簡

范杲獻玉堂記

慶元五年九月二

十一日詔學士院創玉堂殿止以玉堂為名

祥符繼照堂 繼聖堂

在開封府廨東真宗尹京府日太宗命創射堂習射太宗

淳化五年九月壬辰以皇子襄王行開封尹事 後以府尹廨舍為潛龍宮 祥符三年 寶訓作二

年閏二月二十四日丁卯上幸開封府射堂宴射謂從

臣曰朕昔尹京兆先帝為創此堂俾之習射周覽久之

多所感慕又至堂閱太宗御書圖畫數十軸遂宴射于射堂上作七言詩從臣畢賦

上中的者七

戊辰制曰昔東漢

之隆過宛陵之故事貞觀之盛臨慶善之舊宮所以申愷樂之私宣優裕之澤朕頃在儲邸獲尹神京用修相圃之儀遐擬宣猷之地知樞密院事王欽若上駕幸舊邸七言三十一

一作二十

韻詩上作歌以荅仍詔褒之甲戌詔

曰朕頃在儲闈允釐京邑仰承訓導幸底謚寧爰就公庭載營完址俾因聽訟之暇用為習射之儀入纂邦基

載移星律乘青陽之布令擁法從以來臨感慶兼深惠

賚胥洽式徇宰司之議易茲題榜之名庶增煥於黃圖

永流芳於元

一作
嬰

圖其開封府舊射堂宜名曰繼照堂

是日設帟張樂許士庶遊觀三日

麻温其進
繼照堂頌

初營是

堂西有井將塞之上曰必有神龍潛蟄命覆巨石未幾

果有龍躍出至是八作使張文邀叙其事祥符六年八

月丙寅繼照堂芝草生上作歌賜近臣天聖二年八月

己卯幸繼照堂景祐元年正月庚寅改為繼聖堂

祥符資善堂 記 賜詩 宴從臣 讀孝經

在元符觀南大中祥符八年置

七年十一月己未作元符觀即劉永規廨舍

一云七年十二月建觀在承天祥符門內

仁宗肄學之所

八年十二月戊寅皇子冠辛卯封授

皇子慶國公忠正軍節度使壽春郡王

祥符九年二月甲午詔以元符觀

南皇子就學新堂宜以資善為名因製記

取乾資始善長之義 習

與智長化與心成

詔曰利建元子肇開懿藩將崇樂善之規式

務從師之教眷惟丹禁夙敞清都就茲曲密之庭以為

誦弦之地命晏殊崔遵度為記室咨議

長編云張士遜崔遵度為友

在正月
壬申 入內押班周懷正為都監入內供奉官楊懷玉

為壽春郡王伴讀仍面戒堂中無得戲笑及陳玩弄之具
庶事由禮使王親近僚友三月庚申壽春郡王會友張
士遜等于堂上作七言詩六篇分賜之丁卯讀孝經序
終篇賜士遜等會于堂上賜詩三首四月戊戌郡王請
以聖製堂記及賜諸王詩刻石堂壁五月戊午詔獎王
友張士遜等以王讀孝經徹章故也王初為詩即成章
有人心懷禮義之向上喜語輔臣九月丁未讀論語第

二卷畢賜會于資善堂天禧二年正月乙未朔上宴宗
室于是堂辛亥詣元符觀資善堂宴從臣召壽春王府
官屬因出聖製資善堂記元符觀頌及聖製賜郡王恤
黎民守文儉約等七詩及王之詩什書翰示輔臣向敏
中等曰王始著吟詠句意精竒天縱才藝咸再拜稱賀
二月丁卯制行江寧尹進封昇王八月甲辰立為皇太
子癸丑作元良箴又製十韻詩各一首分賜庶子賓客
以下九月丁卯天安殿冊太子三年九月丙子賜元良

述六藝箴承華要略四年徙御厨北

一作禁庖之北
云宣祐門內東

廡其講筵
所亦在焉

十月乙卯資善堂上梁

是歲正月
十七日辛

太子會宮

僚觀之十一月庚午御札中書密院常務令宰臣與太

子就資善堂會議壬申輔臣見皇太子於堂十二月九

日乙酉詔隻日承明殿不視事中書樞密院詣資善堂

議事辛丑太子會師傅宮寮于是堂賜教坊樂

先是天
禧元年

九月甲子請論語畢第九卷宴王友于堂四年十月壬
辰以太子太保王欽若為資政大學士日赴資善堂侍

講五年三月庚子宰臣兼太子師傅十日一赴是堂賓

客以下隻日更侍講學四月十一日戊午以太子生辰宴輔臣官僚于堂五月癸未詔皇太子讀春秋輔臣奏曰臣等時入資善堂陪侍講席太子天姿英邁好學不倦寫字有筆法上喜 仁宗寶元二年三月癸丑詔賈

昌朝王宗道於是堂編排書籍

教授內臣以編修為名

四月戊辰

命趙希言楊安國編排

癸未罷之

皇祐元年七月壬子帝幸

是堂作詩有仰懷慈訓之句

說書所寓資善堂慶厯初改為講筵所至和二年三

月宴餞知徐州呂溱於是堂

治平四年五月餞李東之十月乙卯餞李受命侍臣賦詩時謂遠過二疎

元豐八年

哲宗初即位

十二月二日詔十五日開講筵講論

語讀實訓講讀日赴資善堂以雙日講讀仍輪一員宿

直十五日乙亥初御邇英閣詔宰輔記注講讀官宴于

資善堂賚銀帛有差元祐元年三月十六日詔講讀官

更不輪資善堂宿直六年詔史院寫邇英延義記注送

資善堂 徽宗政和元年三月二十七日定王嘉王出

就資善堂聽讀二年詔許講筵官到堂參見宣和元年

四月詔置直講翊善贊讀

明道壽寧堂

宮中有清淨堂明道元年十月改曰壽寧 明道中奉

太祖御容于壽寧堂

慶厯定州闕古堂

八年夏五月天子以河朔地大兵雄而節制不專詔魏瀛鎮定四路悉用儒帥兼安撫使而以韓琦帥定州郡園有亭琦廣之為堂既成乃撫前代良守將之事可載諸圖而為法者凡六十條繪于堂之左右壁名為闕古

堂富弼為之作詩 書目閱古堂詩一卷

治平聞義堂

元年六月丁未增置同知大宗正事一員以宗惠領其職且降詔申儆之宗惠即所居築堂曰聞義日與學士大夫講肄其間以身倡率宗屬

政和摘文堂

五年十月二十九日乙丑御書摘文堂榜賜學士院承旨強淵明等上表謝

紹興資善堂 孝經圖

詳見東宮類

五年五月八日辛巳詔擇日除防禦使

孝宗舊名

為節度使

封國公出就資善堂聽讀

先是元年四月戊申以至和故事面諭宰臣尹等輔

臣奏事趙鼎曰昨日得旨

見

臣退而與孟庾沈與求商

量皆仰贊陛下為宗廟社稷大慮謹令有司卜本月二

十六日吉上曰可與求曰此盛德之事也上曰朕年二

十九未有子然國朝自有仁宗故事藝祖勦業其勤至

矣朕取子行下子鞠於宮中復加除拜庶幾仰慰在天

之靈初張浚未出使也上嘗以語鼎浚庾與求曰此子
天姿特異在宮中儼如成人朕自教之讀書極強記鼎
先得旨於行宮門內造書院屋一區欲令就學有司以
圖來上凡建屋十六間從約也至是書院成上曰只以
書院便為資善堂俟除授訖命儒臣為直講翊善悉如
故事二十六日己亥貴州防禦使為保慶軍節度使封
建國公詔宗正少卿直史館會要云徽猷待
制史館修撰范冲兼資
善堂翊善起居郎朱震兼資善堂贊讀上親筆付出朝

論以二人為極天下之選六月五日宰臣趙鼎循故事

乞謁見上曰朕令國公至資善見冲震皆設拜蓋尊師

重傳不得如此

已酉建國公初出資善堂

冲等每因牋奏導國公

以仁義之言輒標軸藏之時一展玩國公嘗得李公麟

所畫孝經圖冲書其後曰孝者自然之理學然後知之

行之以不息守之以至誠習與性成是謂純孝不然無

以立身矣國公其勉之六年十月乙卯震冲各進官一

等以建國公讀孟子終篇也十二月蘇符兼贄讀

代范冲也

六年九月建國公讀孟子終七年十二月十一日讀
尚書終十九年三月二日普安王讀公毅傳終篇 九
年三月十四日崇國公璩赴資善堂聽讀 淳祐七年
正月詔就內小學建資善堂置焚讀直講俾暫於藩
房訓習以其年未可出就外傳也 景定東宮講堂
名新益

紹興御書玉堂

周麟之典司內命援淳化故事以為請翼日內出玉堂

二大字以賜 玉堂本漢別殿在未央宮與清涼宣溫
神仙長年金華白虎麒麟列峙相望史不詳著而略見
於李尋翼奉傳然則玉堂蓋殿名也待詔者有直廬在
焉故尋自謂久汗玉堂之直易簡所乞太宗所賜實取
諸此後避英廟諱至紹聖中始掇取二字榜于院識者
非之謂不當以前代殿名皇朝寶札揭之於臣下止息
之地今臣建請則所不敢惟勒石旌事以永億載之傳
廣四方之藏侈儒生千一之遇

宋朝載忻堂

德壽宮禁籞周回分四地分東則香遠

梅清深竹南則

載忻

大堂御
宴處

淳熙東宮射堂

二年夏始創射堂為游藝之所圃中有榮觀玉淵清賞

等堂鳳山樓皆燕息之地

景定東宮
堂名凝華

晉成帝紀常欲

於後園作射堂計用四十金以勞費乃止

淳熙翠寒堂

六年上作翠寒堂於禁中以日本松為之不施丹雘嘗
召宰輔趙雄王淮奏事堂下古松數十清風徐來上曰
林聲其清遠勝絲竹

苑中有偉觀
堂碧射堂

七年五月壬子雄

等奏昨日奏事觀堂錫燕賜宸翰

淳熙議事堂

十四年十一月己亥詔皇太子參決庶務先是學士洪
邁入對言天禧資善之詔可舉行也至是詔右相周必
大討論資善堂典禮必大奏天禧時仁宗尚幼始見輔

臣恐不可用西晉有宣猷堂今作議事堂可也十五年
正月二日戊戌必大請上御延和殿令宰執奏事畢然
後過堂議事先是有詔東內門司改充議事堂太子隔
日與宰執相見議事九日乙巳又詔每御朝令皇太子
侍立

歷代堂名

後漢

萬金靈帝造於西園

後魏

凝閑

雲母

九華

宣文

代

皇信

代

光極

清徽

華休

茅茨

隋

紫霄

玉華

延祥

碧華

瑤房

御福

翔龍

明華

雕綺

嘉猷

芳輝

花梁

含光

溫

玉

繁露

花光

儀鸞

芳音

重壁

光華

懷芳

璧月

文綺

輝景

瑤光

東西

山齊

華渚 翠集 流風 崇蘭 麗景 鮮雲

三十六國

諮議 琨華 湛露 宣德 李中 媿賢 螽斯
則百

六朝

芳香 芙蓉 太極東西 德陽 樂賢 閱武
崇政東西 樂修 集賢 宣猷 貞華畫

北齊

涼風 德陽 萬歲 乾壽 聖壽

丹臺新錄所載

高暉堂 鬱絕宇

室

室實也人物實滿其中也

黃帝特室

莊子在宥篇黃帝立十九年聞廣成子在空同之上往見之退築特室席白茅間居三月復往邀之順下風問

至道 周書黃帝始作宮室

堯衢室

管子桓公問篇堯有衢室之問者下聽於人也

爾雅

五達曰康
四達曰衢

文中子問易篇議其盡天下之心乎

昔黃帝有合宮之聽堯有衢室之問舜有總章之
訪皆議之謂也并天下之謀兼天下之智注當衢
為室以採民言管子曰堯開衢室聽於民也 子

華子堯居於衢室之宮

一作中

垂衣而裳幅遽如神

明之居輯五瑞以見羣后帶幅舄而入覲者如衆
星之拱北 魏文帝紀令曰放勛有衢室之問所
以廣詢于下 陳子昂傳堯衢室調元氣治陰陽
列子堯游於康衢聞兒童謠立我蒸民莫匪爾
極云云 晉志堯衢尊先惠 王勃九成宮頌序
帝唐復衢室之尊 獨孤及傳堯設誹謗之木於
五達之衢 淮南子堯樸桷不斷素題不斫 書
稽于衆舍已從人清問下民

舜太室

文選王融曲水詩序接禮貳宮考庸大室注尚書大傳
曰維十有五祀舜為賓客禹為主人樂正進贊曰尚考
太室之義唐為虞賓鄭玄曰舜既使禹攝天下之事於
祭祀避之居賓客之位獻酒則為亞獻尚考猶言往時
也太室明堂之中央室也義當為儀禮儀也謂祭太室
之禮堯為舜賓也 孟子舜尚見帝帝館甥于貳室

夏五室

冬官匠人營國夏后氏世室堂修二七廣四修一

世室者宗

也廟五室三四步四三尺注堂上為五室象五行也三四

步室方也四三尺以益廣也木室於東北火室於東南
金室於西南水室於西北其方皆三步其廣益之以三
尺土室於中央方四步其廣益之四尺此五室居堂南
北六丈東西七丈疏宗廟制如明堂明堂之中有五天
帝五人帝五人神之室皆法五行五行先起東方故東
北之室言木其實東北兼水東南兼木西南兼火西北

兼金中央大室有四堂四角之室皆有堂中為大室故
多一尺大室居中四角之室於大室外接四角為之夏
之世室其室皆東西廣於南北周亦五室直言凡室二
筵或五室皆方二筵與夏異制鄭意以夏周皆有五室
十二堂明殷亦五室十二堂夏度以步殷度以尋周度
以筵是王者相改也 玉藻疏 異義明堂制禮盛德記
曰九室月令說云四堂十二室

武王牧室

禮記大傳牧之野武王之大事也既事而退柴於上帝
祈於社設奠於牧室遂率天下諸侯執豆籩逡奔走注
柴祈奠告天地及先祖也牧室牧野之室也古者郊闕
皆有館焉先祖者行主也 莊子湯武之室

周路室

地官遺人十里有廬廬有飲食三十里有宿宿有路室
路室有委五十里有市市有候館候館有積注廬若今
野候徒有序也宿可止宿若今亭有室矣候館樓可以

觀望者也一市之間有三廬一宿

周龜室

春官龜人中士二人

工四

掌六龜之屬天靈屬地繆屬

東果屬西雷屬南獵屬北若屬凡取龜用秋時攻龜用
春時各以其物入于龜室注六龜各異室也 史策
傳褚先生曰今高廟中有龜室藏內以為神寶

周九室

冬官匠人營國室中度以几內有九室九嬪居之外有

九室九卿朝焉

內外之九室指王宮后宮對言也

注內路寢之裏外路

門之表九室如今朝堂諸曹治事處六卿三孤為九卿
疏內外據路寢之表裏言之九卿之九室在門外正朝
之左右為之九嬪掌婦學之法則九室是教九御之所
也

周中興宮室

漢劉向傳上疏諫曰

成帝

周德既衰而奢侈宣王賢而中

興更為儉宮室小寢廟詩人美之斯干之詩是也

美宣王考

室上章道宮室之如制下章享孫之衆多也

官室如制謂殖

殖其庭有覺其楹君子攸寧也

斯干疏宣王都在鎬京此考室當是

西都宮室

詩云築室百堵西南其戶如跂斯翼如矢斯棘如鳥斯革如翬斯飛鴻

鴈之子于垣百堵皆作

拾遺記昭王即位二十年王坐

祇明之室

齊嘖室

管子桓公問篇

第五十六

公問曰吾念有而勿失得而勿忘

為之有道乎對曰勿創勿作時至而隨毋以私好惡害

公正察民所惡以自為戒黃帝立明臺之議者上觀於
賢也堯有衢室之間者下聽於人也舜有告善之旌而
主不蔽也禹立建鼓於朝而備訊嗾湯有總街之庭以
觀人誹也武王有靈臺之復而賢者進也公曰吾欲效
之其名云何曰名曰噴室之議以東郭牙為之此人能

以正事爭君者也

燕有厯室

樂毅傳 厯室戰國
策括地志云厯室

燕宮
名也

漢石室 祕室

高祖紀金匱石室注師古曰以金為匱以石為室重緘封之保慎之義 大史公自序秦撥去古文明堂石室

金鑄玉版圖籍散亂遷為太史令紬史記石室金鑄之書 後傳李固對策曰宜開石室陳圖書 黃瓊上疏

曰宜開石室案河洛注石室藏書之府 王允為司徒

遷都關中收歛蘭臺石室圖書祕緯 儒林傳自辟雍

東觀蘭臺石室宣明鴻都諸藏典策文章 隋志明章

繼軌石室蘭臺彌以充積 魏都賦窺玉策於金滕

案圖錄於石室注揚雄遺劉歆書曰得觀書於石室

魏文

帝為金策著
令藏之石室

劉歆七畧內有延閣廣內祕室之府

風俗通周秦以歲八月遣輜軒之使採異代方言奏之
藏祕室 王元長云書笏珥彤紀言事於仙室 漢五
行志有非常室

漢宣室

列傳賈誼為長沙太傅歲餘文帝思而召之至入見上
方受釐坐宣室

宣室未央前殿正室釐祭餘肉也漢
儀注祭天地皇帝不自行還致釐

上

因問鬼神之本誼具道所以然之故至夜半文帝前席既罷曰吾已久不見賈生自謂過之今不及也 東方

朔武帝為竇太主置酒宣室使謁者引內董偃是時朔陞戟殿下辟戟而前曰偃有斬罪三安得入上默然朔

曰宣室先帝之正處也非法度之政不得入馬上曰善

有詔止更置酒北宮

陳忠上疏曰武帝納東方朔宣室之正

何武宣帝

時益州刺史王襄使辯士王褒作中和樂職宣布詩三篇頌漢德武年十四五與成都楊覆衆等共習歌之是

時宣帝求通達茂異士召見武等於宣室上曰此盛德
之事吾何足以當之 陳湯成帝時西域都護段會宗
為烏孫兵所圍上書願發敦煌兵自救上召湯見宣室
對曰臣以為此必無可憂詎指計日曰已解矣 王嘉
成帝鴻嘉中舉敦朴能直言召見宣室對得失政事

刑法志宣帝季秋後請讞時上常幸宣室齋居決事刑
獄號為平注如淳曰宣室布政教之室也晉灼曰未央
宮中有宣室殿師古曰賈誼傳亦云受釐坐宣室蓋其

在前殿之側也齋則居之 宣紀甘露四年十月未央

宮宣室閣火 黃圖宣室布政教之室也溫室清涼皆

在未央宮殿北宣明廣明皆在未央宮殿東昆德玉堂皆在

未央殿西 西京賦宣室玉堂譬衆星之環極 王元

長策秀才文至於思政明臺訪道宣室注宣室謂漢召

賢良之處 長安志淮南子曰武王殺紂宣室宣室殿
殷宮名

一曰獄也漢
蓋取舊名也胡廣曰宣帝感路溫舒言季秋後請讞時

帝幸宣室齋居而決事令侍御史二人治書 後五行

志有南宮宣室殿

漢温室

魏唐見下

黃圖宣室温室皆在未央宮殿北

選注同

温室殿武帝建

冬處之温暖也

宣温二室西南其戶

西京雜記曰温室以椒塗壁

取其温且芳也

被之文繡香桂為柱設火齊屏風鴻羽帳規地

以屬賓瓊璠

漢宮殿疏在長樂宮又漢宮閣記在未央宮

漢書列傳孔光

為尚書令歸休與兄弟妻子燕語終不及朝省政事或問温室省中植何木光不應注晉灼曰長樂宮中有温

室殿 京房元帝時奏攷功課吏法上令公卿朝臣會

議温室 霍光與羣臣奏昌邑王夜設九賓温室 隋

志哀帝徙温室中書于天祿閣 劉向別錄雅琴趙定

龍德召見温室 西都賦清凉宣室 今按未央宮建

於高帝之七年作延清以避隆暑温室以御祁寒翼奉

謂孝文時未央宮獨有前殿曲臺漸臺宣室温室承明

然則孝文時有之非武帝建也 史記表大事記文九

年温室鐘自鳴 張衡西京賦云温調延北注殿名

後漢洛宮有溫飭殿 洛陽宮室名曰洛陽有望舒涼

室含章鞠室清暑涼室 拾遺記云漢武息於延涼室

漢考工室 畫室

百官表少府有考工室居室甘泉居室令丞

臣瓚曰冬官為考工

主作器械

太初元年更名考工室為考工居室為保宮甘泉

居室為昆臺昆臺五丞 列傳灌夫罵坐不敬繫居室

注師古曰署名 田蚡嘗請考工地益宅 衛青嘗從

入至甘泉居室 劉輔繫共工獄注考工也 霍光止

畫室中

後宮志有畫室長一人

官者主中
宮別處

宣紀暴室嗇夫許廣漢注應劭曰今日薄室師古曰掖
廷主織作染練之舍故謂之暴室取暴曬為名耳薄亦
暴也 韓延壽傳在東郡時試騎士歌者先居射室注
李奇曰都試射堂也 文選景福殿賦注李尤鞠室銘
曰圓鞠方牆放象陰陽法月衝對二六相當

漢文翁石室 周公禮殿

顏有意益州學館記華陽國志文翁為蜀郡守造講堂

石室一名玉堂安帝永初間烈火為災惟石室獨存至
獻帝興平元年太守高朕於玉堂東復造一石室為周
公禮殿 集古錄有漢文翁石柱記云漢初平五年修
周公禮殿 水經注文翁為蜀守立講堂作石室於南
城後守更增二石室 唐志益州文翁學堂圖一卷

金石錄有周公禮殿記 本朝狄遵度作石室賦 慶
歷四年益州守蔣堂廣其舍為宮以教諸生治平中韓
絳建講堂于文翁石室之西 史記索隱同州河西縣

有子夏石室學堂

漢西王母石室

地理志金城郡臨羌縣西北至塞外有西王母石室

漢織室 凌室

百官表少府有東織西織令丞河平元年省東織更名

西織為織室

中興省織室令 六典 注後漢織室丞一人

惠紀四年七月

乙亥未央宮凌室災

又成帝永始元年春正月癸丑太官凌室火

丙子織室

災注師古曰凌室藏冰之室幽詩七月之篇曰納于凌

陰織室主織作繒帛之處 五行志劉向以為凌室所

以供養飲食織室所以奉宗廟衣服 霍光傳上乃下

詔曰

地節四年七月詔

迺者東織室令史張赦云云 外戚傳漢

王入織室見薄姬 三輔黃圖未央宮東西織室織作

文繡郊廟之服有令史屬少府

後周司織下大夫唐織染令

後禮

儀志季春之月皇后帥公卿諸侯夫人蠶祠先蠶禮以

少牢有蠶壇蠶宮繭觀織室 馬后紀置織室蠶于濯

龍中數往觀視以為娛樂注濯龍園名也前書有東織

西織屬少府平帝改名織室 鄧后紀御府尚方織室

錦繡冰素綺縠之物皆絕不作 水經注冰室舊在宣

陽門內 東京賦諺門注冰室門也 宋孝武大明六

年置凌室修藏冰之禮 周典婦功典絲典泉即漢

東西織也 藏冰之禮凌人掌之月令載之豳詩

歌之

漢街彈室

周禮地官里宰 每里下士一人 以歲時合耦于耜以治稼穡趨

其耕耨行其秩叙注兩人相助耦而耕也耨者里宰治處也若今街彈之室於此合耦使相佐助因放而為名疏鄭以漢法况之漢時在街置室檢彈一里之民於此合耦 金石錄有都鄉正街彈碑在昆陽城中 中平二年正月 食貨志春將出民里胥平旦坐於右塾鄰長坐於左塾畢出然後歸夕亦如之注師古曰門側之堂曰塾坐於門側者督促勸之知其蚤晏防怠惰也

漢雲臺廣室

陰興傳建武二十年夏興受顧命於雲臺廣室

魏溫室

詳見上

魏都賦丹青炳煥特有溫室儀形宇宙歷象賢聖圖以百瑞綵以藻詠茫茫終古此焉則鏡有虞作績茲亦等競注溫室中有畫象贊何晏景福殿賦溫房承其東序涼室處其西偏注二殿名卞蘭許昌宮賦其陰則有望舒涼室羲和溫房晉宮閣名洛陽宮內有羲和溫房

晉廣室

元帝紀有司奏太極殿廣室施絳帳帝令冬施青布夏
施青練帷 周顛傳元帝召顛於廣室 紀瞻傳明帝
嘗獨引瞻於廣室

唐溫室

唐大明宮有溫室殿 李庾西都賦左閣當辰延英耽
耽宣徽洞達溫室隅南接以重離縣乎少陽是為二宮
複道邃廊



玉海卷一百六十一

欽定四庫全書

子部

玉海卷一百六十二

詳校官中書臣張經田

主事臣祁韻士覆勘

總校官進士臣朱 鈐

校對官編修臣盧 遂

謄錄監生臣呂燕昭

欽定四庫全書

玉海卷一百六十二

宋 王應麟 撰

宮室

庭

堂下至門謂之庭

黃帝明庭

漢郊祀志黃帝接萬靈明庭明庭者甘泉也

黃帝升仙之處

湯總街庭

管子湯有總街之庭

見噴室

周大庭 少庭

汲冢周書大正解周王宅程三年王乃召冢卿三老三吏大夫百執事之人朝于大庭

公堂之庭

鄴保解二十三祀

庚子朔九州之侯咸格于周王在鄴昧爽立于少庭

漢承明庭 著作庭

班固傳西都賦承明金馬著作之庭

漢商庭

郊祀志太初元年十二月甲子朔上親禪高里祠后土
臨渤海將呂望祀蓬萊之屬幾至殊庭焉作建章宮其
西則商中數十里注師古曰殊庭蓬萊中仙人庭也如
淳曰商中商庭也師古曰商金也於序在秋故謂西方
之庭為商庭

庭名

丹臺新錄所載

太霞 瓠瓜

臺 靈臺

附

四方而高曰臺晉天文志曰明堂西二百里曰靈臺
觀臺也主觀雲物察符瑞候災變禮含文嘉曰天子
靈臺以考觀天人之際法陰陽之會

伏羲氏傳教臺

古三墳燧人氏有傳教之臺有結繩之政天皇伏羲氏
皇策辭皇曰命子英居我潛龍之位主我陰陽甲歷昊

英氏進歷於君曰歷起甲寅皇曰甲日寅辰木王於卯
乃鳩衆於傳教臺告民示始甲寅易二月天皇升傳教
臺

庖氏八卦臺

乾鑿度庖氏著乾鑿度上下文注庖氏建治於宛墟今
宋國陳留縣有八卦臺運著圖日月神朝記緋韋冠服
天一太一冊在

神農樂臺 教農臺

乾鑿度媧皇氏地靈母經炎帝黃帝有易靈緯注神農
帝建治於魯改女皇之太樂今樂臺在魯教農臺在頓

黃帝明臺

管子桓公問篇公問曰吾念有而勿失得而勿忘為之
有道乎對曰勿創勿作時至而隨毋以私好惡害公正
察民所惡以自為戒黃帝立明臺之議者上觀於賢也
魏文紀令曰黃帝有明臺之議放勳有衢室之問所
以廣詢于下文選王融策秀才文思政明臺注引管

子

堯靈臺 堯臺

漢地理志濟陰郡成陽有堯靈臺昔堯作遊成陽注師古曰言為宮室遊止之處也如淳曰成陽在定陶今有堯靈臺 章紀元和二年二月丙辰東巡狩使使者祠唐堯於成陽靈臺 安紀延光三年二月庚寅遣使者祠唐堯於成陽 金石錄有漢成陽靈臺碑兩漢史以為堯冢惟此碑與郭緣生述征記水經以為堯冢

詩正義鄭於六藝論極言瑞命

之事云湯登堯臺見黑鳥至

文王篇

述異記會稽山中

都郭門古宮存焉宮前有堯臺舜館銘記皆古 山海

經帝學堯舜各二臺臺四方在崑崙東北

夏清臺 商神臺

禮統夏為清臺商為神臺周為靈臺

唐志賀述禮統十二卷

夏鈞臺 璿臺 容臺

左傳昭四年六月丙午楚椒舉曰夏啟有鈞臺之享注

河南陽翟縣南有鈞臺陂啟享諸侯於此

帝王世紀在縣西

漢地理志潁川郡陽翟注孟康曰今鈞臺在南師古曰

陽翟本禹所受封

後志陽翟禹所都有鈞臺注汲冢書禹都陽城

外紀夏啟

元年丁未筮享神于大陵之上是為鈞臺之享又筮享

神於晉之墟作為璿臺臺名於水之陽水經注潁水東

逕三封山東東南歷大陵西連山亦曰啟筮亭啟享神

於大陵之上即鈞臺也陂方十里俗謂之臺陂指鈞臺

取名九域志潁昌府有鈞臺驛文選王元長云夏

后兩龍載驅璿臺之上注良曰璿臺之上饗諸侯百官

李善引山海經曰大樂之野夏后啟於此舞九代馬乘
兩龍易歸藏曰昔夏后啟筮享神於晉之墟作為璿臺
於水之陽 淮南子夏桀之時容臺振而掩覆注行禮
容之臺 穆天子傳為重璧臺

周靈臺 武王靈臺

詩靈臺五章章四句靈臺民始附也文王受命而民樂
其有靈德以及鳥獸昆虫焉

記大傳正義周本記云文王受命六年立靈臺布王

號 經始靈臺經之營之庶民攻之不日成之經始勿亟

庶民子來注毛氏曰神之精明稱靈四方而高曰臺鄭曰天子有靈臺所以觀祲象察氣之妖祥也文王受命而作邑于豐立靈臺文王之化行似神之精明故名焉

正義靈臺所處在國之西郊

又云作臺以觀天在豐邑之都舍神務曰作邑於豐

起靈臺 黃圖曰在長安西北四十里高二十丈周四百二十步

諸儒說多異 義公

羊說天子三諸侯二天子有靈臺以觀天文有時臺以觀四時施化有囿臺觀鳥獸魚鼈諸侯當有時臺囿臺諸侯卑不得觀天文無靈臺皆在國之東南二十五里

左氏說天子靈臺在太廟之中壘之靈沼謂之辟廱諸侯有觀臺亦在廟中皆以望嘉祥也康成云大雅靈臺一篇之詩有靈臺圉沼有辟廱則辟廱及三靈皆同處在郊矣圉沼同言靈於臺下為圉為沼可知靈臺與辟廱同處辟廱即天子太學也王制言太學在郊乃殷制其周制則太學在國太學雖在國而辟廱仍在郊何則圉沼魚鳥所萃不可在國中也鄭以靈臺辟廱在西郊則與明堂宗廟皆異處矣盧植禮記注云明堂即太廟

也天子太廟上可以望氣故謂之靈臺中可以序昭穆故謂之太廟圓之以水似璧故謂之辟廡蔡邕月令論云云穎子容春秋釋例云太廟有八名其體一也肅然清靜謂之清廟行禘祫序昭穆謂之太廟告朔行政謂之明堂行饗射養國老謂之辟廡占雲物望氛祥謂之靈臺其四門之學謂之太學其中室謂之太室總謂之宮賈逵服虔注左傳云靈臺在太廟明堂之中諸儒皆以廟學靈臺為一袁準正論云靈臺望氣之觀清廟訓

儉之室各有所為非一體也。穎氏云：公既視朔，遂登觀臺，以言遂謂之同處視。視之官當在靈臺之上視之。馮相保章所觀亦在靈臺。孟子：文王以民力為臺，沼而民歡樂之，謂曰靈臺。靈，沼也。古人與民偕樂，故能樂也。

劉向新序：周文王作為靈臺，及於池沼澤及朽骨。鄭駁異義

云於臺下為圓沼

易乾鑿度：入戊午部二十九年，伐崇作靈

臺。是類謀云：文王伐崇作靈臺，受赤雀丹書。

六韜：文王既出，羨里周公旦

築為靈臺。淮南子：文王為玉門，築靈臺以待紂之失。

管子桓公問篇武王有靈臺之復而賢者進也 左

傳僖十五年秦舍晉侯靈臺注在京北鄠縣周之故臺

漢地理志文王作鄠注師古曰今長安西北界靈臺

鄉豐水上是水經注自鄠水北經靈臺西文王又引

水為辟靡靈沼 括地志今悉無復處所惟靈臺孤立

今按臺高二丈周四百二十步 周禮肆師注尚書傳

曰王升舟入水鼓鐘亞觀臺亞䟽觀臺可以望氛祥

亞鼓鐘後 馮相氏注世登高臺以視天文之次序

三輔故事漢作靈臺於城東周作靈臺在豐水東常以
四孟之月登臺而觀 司馬法偃伯靈臺 說文周景

王作洛陽諂臺

尺氏切

楚語伍舉曰榭講軍實臺望氛

祥榭度於大卒之居臺度於臨觀之高其所不奪隙地
其為不匱財用其事不煩官業其日不廢時務瘡痏之
地為之城守之木用之官僚之暇臨之四時之隙成之
詩曰經始靈臺經之營之 呂氏曰文王作臺主於望
氛視觀民俗以察天人之意因以疏淪精神宣節勞逸

一弛一張無非事也

周公臺

水經注魯縣周公臺高五丈周五十步臺南四里許則
孔廟即夫子之故宅也 述異記曲阜縣南十里孔子
春秋臺

周重壁臺

穆天子傳天子遊于河濟盛君獻女為造重壁臺 郡
國志濮州壁玉臺穆天子為盛姬所造

魯觀臺

周禮保章氏以五雲之物辨吉凶水旱降豐荒之祲象

注視日旁雲氣之色司農云以二至二分觀雲色青為

蟲白為喪赤為兵荒黑為水黃為豐左傳僖五年春

王正月辛亥朔日南至

注周正月
今十一月

公既視朔遂登觀臺以

望而書禮也

注臺上構屋
可以遠觀

凡分至啟閉必書雲物為備

故也

注素察妖祥逆為之備
子曰靈臺諸侯曰觀臺在明堂之中

服氏曰天

昭二十年二

月己丑日南至梓慎望氛

注時魯侯不
行登臺之禮

哀二十五年衛

侯為靈臺於藉圃

其時借名之也

公羊傳莊三十一年築臺

于郎注禮天子有靈臺以侯天地諸侯有時臺以侯四時登高望遠人情所樂動而無益於民者雖樂不為也

史記魏伐宋取儀臺正義靈臺也 莊子義臺路寢

晉施惠臺

史樂書晉平公置酒於施惠之臺

楚匏居臺 章華臺

楚語靈王為章華之臺伍舉曰先君莊王為匏居之臺

高不過望國氛大不過容宴豆木不妨守備用不煩官
府民不廢時務官不易朝常問誰宴焉則宋公鄭伯問
誰相禮則華元駟騑問誰贊事則陳侯蔡侯許男賴子
其大夫侍之 左傳昭七年楚子成章華之臺

括地志
在荊州

安興縣東八十里 郡
國志華容縣東六十里

文選注陸賈新語楚王作乾谿

之臺闕天文 邊讓傳作章華賦曰楚靈王既遊雲夢
之澤息於荆臺之前方淮之水左洞庭之波右顧彭
蠡之隩南眺巫山之阿延日廣望騁觀終日顧謂左史

倚相曰盛哉斯樂可以遺老而忘死也遂作章華之臺

築乾谿之室窮木土之技單珍府之實舉國營之數年

乃成

賈子翟使之楚楚王饗客於章華之臺三休乃至於上

東京賦楚築章華

於前趙建叢臺於後風賦楚襄王遊蘭臺之宮子

虛賦楚王乃登陽雲之臺

史記作雲陽正義言其高出雲之陽

注孟康曰

雲夢中高唐之臺宋玉所賦者大言賦楚襄王與唐

勒景差宋玉遊於陽雲之臺七發登景夷之臺列

女傳楚有漸臺

齊宣王漸臺五重

戰國策楚王盟強臺而弗

登梁王觴諸侯于范臺前夾林而後蘭臺梁有暉臺

左傳齊晏子侍於遯臺

又有檀臺

趙叢臺

漢鄒陽傳全趙之時武力鼎士袷服叢臺之下

史記武靈王起

注六國時趙王故臺在邯鄲城中 高后紀元年夏五

月丙申趙王宮叢臺災注師古曰連叢非一故曰叢臺

馬武傳光武拔邯鄲請謝躬馬武等置酒高會獨與

武登叢臺 郡國志趙國有叢臺有洪波臺有檀臺

史記

趙成侯魏獻榮
椽因以為檀臺

劉劭趙都賦結雲閣於南宇立叢臺

於少陽

唐開元二十七年嚴浚作叢臺賦

拾遺記

周靈王二十三年起昆昭之臺

燕寧臺 黃金臺

樂毅傳報遺燕書曰齊器設於寧臺天呂陳於元英注

寧臺燕之臺也

燕世家昭王為郭隗改築宮而師事

之樂毅自魏往劇辛自趙往鄒衍自齊往

文選鮑昭

樂府曰將起黃金臺注上谷郡圖經曰黃金臺易水東

南十八里燕昭王置千金於臺上以延天下之士王隱
晉書曰段匹磾進屯故安縣故燕太子丹金臺二說不
同 孔融書曰燕昭築臺以招郭隗 述異記燕昭王
故城中土人呼為賢士臺亦謂招賢臺 拾遺記燕昭
王登崇霞之臺

韓望氣臺

水經注漢官儀曰舊河隄謁者居之城西有韓王望氣
臺孫子荆名楚故臺賦叙曰酸棗寺門外夾道左右有兩

故臺訪之國老云韓王聽訟觀臺高一十五仞賦曰茂丘
陵之邈迤亞五嶽之嵯峨言其壯觀也

又曰薄邯鄲之叢
臺陋楚國之章華

越靈臺 觀臺

吳越春秋越王立增樓觀其山巔以為靈臺

又曰勾踐
置酒文臺

水經注越起靈臺於山上 史記正義吳越春秋云

句踐二十五年徙都琅邪立觀臺以望東海

秦琅邪臺

史記始皇二十八年作琅邪臺立石刻頌秦德正義括地

志云密州諸城縣東南百七十里有琅邪臺越王勾踐觀臺也 漢地理志琅邪郡琅邪越王勾踐嘗治此起館臺

有四時祠師古注曰山海經云琅邪臺在琅邪之東 郊

祀志四時主祠琅邪琅邪在齊東北注山海經云琅邪臺在渤海間謂臨海有山形如臺也 後郡國志琅邪國

琅邪注越絕曰勾踐徙琅邪起觀臺臺周七里以望東海東海郡胸注博物記縣東北海邊植石秦所立之東門贛榆本屬琅邪注地道記曰海中去岸百九十步有秦始皇

碑長一丈八尺廣五尺厚八尺三寸一行十二字水
經注琅邪臺在城東南十里

韓信臺

水經注沔水上安陽縣故隸漢中壻水逕樊噲臺南臺
高五六丈又東南逕大城固北水北有韓信臺高十餘
丈上容百許人相傳高祖齋七日置壇設九賓禮以禮
拜信

漢歌風臺

國史地理志徐州沛縣有仲虺城漢歌風臺枌榆社豐縣有始皇厭氣臺彭城有項羽戲馬臺

宋武帝至彭城大會戲馬臺賦

詩青州臨淄有逸臺單州單父有宓子賤琴臺開封府祥符有岳臺崇臺澶州濮陽有昆吾臺滄州南皮有魏文射雉臺無棣有蒲紫臺秦始皇紫蒲繫馬之地

漢鴻臺

三輔黃圖長樂宮有鴻臺秦始皇二十七年築高四丈上起觀宇帝常射飛鴻于臺上故號鴻臺惠四年三

月長樂宮鴻臺災涼風臺在長安故城西建章宮北關
輔記曰建章宮北有涼風臺積水為樓長樂宮有魚池
臺酒池臺始皇造又有著室臺鬪雞走狗臺壇臺漢韓
信射臺又未央宮有果臺東西山二臺未央宮有鈎弋
臺通靈臺望鵠臺眺蟾臺桂臺商臺避風臺

見池類

上

林賦累臺增成 甘泉賦洪臺獨出 思立賦聘王母

於銀臺注仙人所居也 關中記云宮北有井幹臺高

五十丈積水為樓言築累方木轉於交架如幹司馬彪

云井欄也 史記正義云甘泉有瑤臺

漢露臺

文帝紀贊嘗欲作露臺召匠計之直百金上曰百金中人十家之產也吾奉先帝宮室常恐羞之何以臺為注師古曰今新豐縣南驪山之頂有露臺鄉極為高顯猶有文帝所欲作臺之處 翼奉傳上疏曰孝文欲作一臺度用百金重民之財廢而不為其積土基至今猶存注師古曰今在新豐縣南驪山頂上也 括地志新豐

縣南驪山上猶有露臺之舊址其處名露臺 唐孫樵
露臺遺基賦曰有土如積其高逾尺隱于修岡屹若環
堂

漢曲臺

射宮

列傳翼奉上疏孝文時未央宮有曲臺殿 見黃 鄒陽

書諫吳王曰秦倚曲臺之宮垂衡天下注應劭曰始皇
所治處若漢未央宮 枚乘說吳王游曲臺臨上路不
如朝夕之池注張晏曰長安臺臨道上 王尊奏成帝

正月行幸曲臺臨饗罷衛士注諸侯士更盡得代去故天子自臨而饗之 孟喜舉孝廉為郎曲臺署長注師

古曰曲臺殿名署主其事也

儒林

孟鄉東海人也

喜父

事

瑕丘蕭奮學禮因授后倉魯閭丘卿倉說禮數萬言號

曰后氏曲臺記授沛聞人通漢子方梁戴德延君戴聖

次君沛慶普注服虔曰在曲臺校書著記因以曲臺記

為名師古曰曲臺殿在未央宮

儒林

藝文志曲臺后倉

九篇注如淳曰行射禮於曲臺后倉為記故名曲臺記

漢官儀曰大射于曲臺晉灼曰天子射宮也西京無大

學於此行禮 文選注七畧曰宣帝時行射禮博士后

倉為之辭至今記之曰曲臺記 長門賦 司馬長卿覽曲臺

之央央注三輔黃圖未央東有曲臺殿 長安志於曲

臺凡三出

梁平臺

睢陽城

梁孝王傳孝景時築東苑方二百餘里廣睢陽城七十

里 北征記曰城周三十七里凡二十四門 太康地記曰城方十三里梁孝王築之鼓倡節杵而後下和之

者稱睢陽曲

大治宮室為複道自宮連屬於平臺三十餘里

招延四方豪桀注如淳曰平臺在大梁東北師古曰今

城東二十里有故臺基 文選沈約宋書謝靈運傳論

綴平臺之逸響注梁孝王作平臺招延四方才子逸響

謂枚舉司馬相如之文

漢栢梁臺

栢梁詩

銅柱

武紀元鼎二年春起栢梁臺

漢武舊事曰以香栢為梁香聞數十里

大初

元年十一月乙酉栢梁臺災

夏侯始昌先言其日

郊祀志武帝

鑄栢梁銅柱

食貨志粵欲與漢用船戰廼大修昆明

池列館環之治樓船高十餘丈旗幟加其上甚壯天子

感之乃作栢梁臺高數十丈宮室由此日麗 三輔黃

圖在長安城中北帝嘗置酒其上詔羣臣和詩 三輔

故事臺高二十丈 武帝故事起栢梁臺以處神君

長安志廟記曰在北闕內道西

三秦記曰上有銅鳳名鳳闕

括地

志在雍州長安故城中 元和志在長安故城中未央

宮北 古文苑漢武帝元封三年作栢梁臺詔羣臣二

千石有能為七言詩者乃得上座帝曰日月星辰和四

時自梁王以下作詩者二十五人

所紀之年不同蓋臺建於元鼎而賦詩乃

元封也

文選注引漢武栢梁臺衛尉詩

韓子齊景公

登栢寢之臺

漢登單于臺

武紀元封元年冬十月詔曰南越東甌咸服其辜西蠻北夷頗未輯睦朕將循邊陲擇兵振旅躬秉武節置十二部將軍親帥師焉行自雲陽北歷上郡西河五原出

長城北登單于臺至朔方臨北河勒兵十八萬騎旌旗
徑千餘里威震匈奴遣使者告單于曰南越王頭已懸
於漢北闕矣單于能戰天子自將待邊不能亟來臣服
何但亡匿幕北苦寒之地為匈奴警焉

漢通天臺 承露仙人掌

別見長樂宮

武紀元封二年春幸緋氏遂至東萊夏四月還祠泰山
至瓠子臨決河還作甘泉通天臺

史記云通天臺

注師古曰

言此臺高上通于天漢舊儀曰高三十丈

去長安三百里望見

長安城 郊祀志初公孫卿言仙人可見上往常遽以
故不見今為館如緹氏城置脯棗神人宜可致且仙人
好樓居於是上令長安作飛廉柱館甘泉則作益壽
延壽館使卿持節設具而候神人乃作通天臺置祠具
其下將招來神仙之屬注師古曰為塞河及造臺而有
神光之應通鑑元封二年作漢武故事築通天臺去地百餘
丈望雲雨悉在其下去長安三百里望見長安城黃帝
以來祭天園丘處武帝祭太一上通天臺舞八歲童女

三百人置祠祀招仙人祭太乙令人升通天臺以候天神天神既下祭所若大流星乃舉烽火而就竹宮望拜

上有承露仙人掌擎玉盃承雲表之露

漢武故事又有通天宮

王溫舒傳上欲作通天臺覆中尉脫卒得數萬人作上說拜為少府 西域傳贊營千門萬戶之宮立神明通

天之臺 三輔黃圖亦曰候神臺又曰望仙臺武帝時

作栢梁柱承露仙人掌之屬注建章宮承露盤高二十

丈大七圍

以銅為之

上有仙人掌承露和玉屑飲之 括地

志雲陽宮在雍州雲陽縣西北八十一里有通天臺即

黃帝以來祭天圓丘之處 元和志在甘泉宮中高三

十五丈望雷雨悉在下

武帝于甘泉宮中為臺畫天地泰壺諸鬼神而祭之

上

林賦置酒乎顛天之臺注張揖曰臺高上千顛天也

甘泉賦乃望通天之繹繹直堯堯以造天 西京賦通

天諷以竦峙徑百常而莖擢上辨華以交紛下刻峭其

若削伏櫛楹而頰聽聞雷霆之相激采少君之端信庶

樂大之貞固立修莖之仙掌承雲表之清露屑瓊藥以

朝飡必性命之可度 文苑英華唐黎逢通天臺賦危

檻峒堯廻途鬱律植承露之盤開肅神之室將以接上

元期太一丹檻栖於列宿飛梁歷於倒景 任公叔賦

嶝道邈以特立通天赫其無儔託神靈於秦甸結元氣

於雍丘白日旁轉青雲上浮八垓可接於咫尺步萬象無

逃於寸眸燿火周起神光迥來召安期於滄海降王母

於黃屋 楊系賦若瑤臺之霞駸冠鼇山於溟海若瓊

樓之雲蔚照龍燭於崑丘高揖八極俯窺萬井拂軒楯

之宛虹步檐檻之倒景玉女下視金鳥上廻 南史沈
炯字初明行經漢武通天臺為表奏之 後周園丘歌
辭云王城七里通天臺紫微斜照影徘徊連珠合璧重
光采天策暫轉鉤陳開 列子周穆王築中天之臺其
高千仞

漢漸臺

詳見建章官

鄧通傳文帝覺而之漸臺求得通注未央殿西南有蒼
池池中有漸臺

元和志在未央官西水
經注沈水逕漸臺東

郊祀志太初

元年二月起建章宮其北治大池漸臺高二十餘丈名曰泰液注漸一音子廉反浸也水所浸三輔黃圖作濺亦浸義 黃圖漸臺在建章宮太液池中高二十餘丈漸浸也言為池水所漸又一說漸臺星名法星以為臺名未央宮有滄池池中有漸臺王莽死于此 西京賦顧臨太液滄池滌沆漸臺立于中央赫胥以弘敞 晉天文志織女東足一星曰漸臺臨水之臺也主晷漏律呂之事

漢武臺

李陵傳召見武臺叩頭請罪臣願以少擊眾步兵五千

人涉單于庭上許之注師古曰未央宮有武臺殿文臣見於

宣室武臣見於武臺九域志滄州有漢武臺輿地志云漢武帝

至此築唐紀功次漢武臺見下

漢玉臺 珍臺 騰光臺 招仙臺

西京賦西有玉臺聯以昆德注臺殿名珍臺蹇產以極壯隘

道邈倚以正東珍臺壘名天馬歌遊閭闔觀玉臺注上帝

所居 甘泉賦珍臺閒館 洞冥記建元二年起騰光

臺以望四遠常有飛光如星集於臺上亦曰經星臺集

方士說仙事又起招仙之臺於明庭宮

即甘泉別名

於臺上

撞碧玉鐘太初二年起甘泉望風臺

漢神明臺

郊祀志太初元年作建章宮

紀二月起建章宮

其南立神明臺

井幹樓高五十丈輦道相屬馮注師古曰漢宮閣疏神

明臺高五十丈上有九室常置九天道士百人然則神

明井幹俱高五十丈也井幹樓積木而高為樓若井幹

之形也

水經注黃圖曰在建章宮中今人謂之九子臺非也

東方朔傳左鳳闕

右神明

黃圖神明臺祀仙人處上有銅仙舒掌捧銅

盤承雲表之露

括地志在長安縣西北二十里長安

故城在西漢建章宮有神明臺

西都賦神明鬱其特

起軼雲雨於大半虹霓迴帶於芬楫

三輔宮殿簿長

樂宮有臨華臺神仙臺

漢登仙臺

文選注戴延之西征記曰嵩中嶽也東謂大室西謂少室相去十七里嵩高總名也漢武帝作登仙臺在少室峯下淮南王安立思仙臺

漢龍臺

司馬相如傳

上林賦

登龍臺注張揖曰觀名在豐水西北

近渭 史記正義三輔故事云龍臺高六丈去豐水五

里漢時龍見陂中故作此臺括地志云龍臺一名龍臺

觀在雍州鄠縣東北三十五里

漢望海臺

水經注浮濟又東北逕漢武帝望海臺又東注于海魏氏土地記曰章武縣東百里有武帝臺南北有二臺相去六十里基高六十丈俗云漢武帝東巡海上所築文苑英華有觀風臺賦

漢豫章臺

見昆明池

漢符節臺 三臺

嚴延年傳上欲徵延年符已發注應劭曰符竹使符也

臧在符節臺欲有所拜召治書御史符節令發符下大

尉也 霍光傳皇帝信璽行璽注漢初三璽天子之璽

自佩行璽信璽在符節臺 後百官志符節令一人六

百石為符節臺率主符節事凡遣使掌授節屬少府

秦中

車府令高行

符璽令事 後五行志中平二年二月南宮雲臺灾

延及尚書符節蘭臺 官志注蔡質漢儀曰客曹郎主

治羌胡事劇遷二千石或刺史其公遷為縣令詔書賜

錢三萬與三臺祖餞餘官則否 蔡邕傳以侍御史轉

治書御史遷尚書三日之間周歷三臺 文選坐領三

臺注應劭漢官儀曰尚書為中臺御史為憲臺謁者為

外臺 漢官典職謝靈運晉書曰云云是為三臺 晉志魏別為一臺位次御

史中丞掌授節銅虎竹使符及秦始皇九年武帝省并蘭

臺置符節御史 魏都賦符節謁者典壘儲吏注宣明

門外東入最南有謁者臺閣次中央符節臺閣最北御

史臺閣三臺並列西向符節臺東有丞相諸曹 晉劉

長升為尚書左丞正色在朝三臺清肅

漢上林清臺

靈臺銅表

事見太初歷

靈臺

候臺

見渾儀

唐清臺

見瑞星

前律歷志元鳳三年太史令張壽王言太初歷過詔主
歷使者鮮于妄人詰問妄人請與治歷麻光等二十餘
人雜候日月晦朔弦望八節二十四氣詔與丞相御史
大夫大將軍史各一人雜候上林清臺課歷疏密凡十
一家一作十家黃圖靈臺在長安西北八里始曰清臺本

為侯者觀陰陽天文之變更名曰靈臺

後漢作靈臺掌候日月氣而屬

太史太史有二丞其一在靈臺漢官曰靈臺員吏十三人靈臺待詔四十二人

郭緣生述征記

曰長安宮南有靈臺高十五仞上有渾儀

延熹七年造張衡

所製又有相風銅烏千里風至此烏乃動又有銅表高八尺長一丈三尺廣一尺二寸題云太初四年造水

經注曰城南漕渠有漢靈臺然則漢城西之上林城南之漕渠皆有候景之臺也 晉樂志漢明皇帝即位表圭影而陳清廟 亢倉子齊太子坐清

臺之上 宋書孝武大明六年八月己丑置清臺
令

漢昆明臺

水經注沈水北與昆明故池會又北逕長安城西與昆明池水合水上承池於昆明臺故王仲都所居也 新
論仲都卧於池臺上

漢蘭臺今史 漢蘭臺圖籍 魏蘭臺

百官表御史中丞在殿中蘭臺掌圖籍秘書 後百官

志御史中丞蘭臺令史六百石掌奏及印工文書

班固
班超

傳毅李尤孔僖
楊終皆為之

車千秋傳令丞相親掘蘭臺蠱 王

莽傳夏賀良識書滅蘭臺注師古曰蘭臺掌圖籍之所

後傳楊終顯宗名詣蘭臺拜校書郎 賈逵永平中

勅蘭臺給筆札作神爵頌 王允為司徒及遷都關中

允收斂蘭臺石室圖書秘緯要者以從至長安皆分別

條上經籍具存允有力焉 儒林傳黨人既誅其高名

善士多坐流廢有私行金貨定蘭臺漆書經字以合私

文及遷都之際自辟雍東觀蘭臺石室宣明鴻都藏典
冊文章競共剖散及王允所收而西者裁七十餘乘道
路艱遠復弃其半矣 西京賦內有蘭臺金馬遞宿迭
居注蘭臺臺名校書處 漢官儀能通倉頡史篇補蘭

臺令史 論衡孝明好文人並召蘭臺之官文雄會聚

選注引之 蘭臺令史職校書定字蘭臺之史班固賈逵楊終

傳毅之徒名香文美蘭臺之官國所監得失也 隋志

明章重經術石室蘭臺彌以充積又曰漢明帝求佛經

緘於蘭臺石室 唐劉知幾云後漢公卿所撰先集公
府乃上蘭臺故史官載事為廣 晉志殿中侍御史案
魏蘭臺遺二御史居殿中伺察非法即其始也魏晉官
品令又有禁防御史第七品太元中有檢校御史吳崐
此二職亦蘭臺之職也符節御史秦符璽令之職漢因
之位次御史中丞至魏別為一臺掌授節銅虎竹使符
及秦始九年省并蘭臺置符節御史掌其事武帝以謁
者并蘭臺 魏畧太和中祕書以公事移蘭臺薛夏曰

蘭臺為外臺祕書為內閣臺閣一也何不相移之有魏蘭

臺亦藏書

御史學馬

唐志龍朔二年

二月四日

改祕書省曰蘭臺監

曰太史少監曰侍郎丞曰大夫

李懷儼崔行功為蘭臺侍郎

初漢以

御史中丞掌蘭臺圖籍故歷代建臺省祕書與御史為

鄰

漢温明臺

郡國志洺州温明臺後漢世祖晝卧此殿耿弇入造牀

下勸即位處

漢靈臺

又見上
林清臺

紀光武中元元年初起靈臺注漢宮閣疏靈臺高三丈

十二門天子曰靈臺諸侯曰觀臺

水經注靈臺光武所
築高六丈方二十丈

明帝永平二年春正月辛未登靈臺望元氣三年春

正月癸巳詔曰登靈臺見史官正儀度

班固詩乃經靈
臺靈臺既崇帝

勤時登爰考休徵三光宣精五
行布序習習祥風祁祁甘雨

章帝建初五年春正

月巳酉宗祀明堂登靈臺望雲物

和帝永元五年正

月乙亥登靈臺望雲物

順帝永和元年正月巳巳宗

祀明堂登靈臺改元 續百官志太史令明堂及靈臺

丞各一人二百石掌守明堂靈臺靈臺掌候日月星氣

皆屬太史注漢官曰靈臺待詔四十二人十四人候星

二人候日三人候風十二人候氣三人候晷景七人候

鍾律一人舍人 宋志太史東京有二丞其一在靈臺 祭祀志章帝作靈

臺十二門詩 桓譚傳有詔會議靈臺所處帝曰吾欲

以識決之注洛陽記曰平昌門南直大道東是明堂大

道西是靈臺也 宦者傳靈帝欲登永安候臺 東都

賦靈臺明堂統和天人登靈臺考休徵 東京賦左制

辟雍右立靈臺馮相觀禋祈禘禳災 永安宮銘李尤侯

臺集道俾司星辰侯臺銅儀見渾天儀 述征記長安宮南靈臺

上有相風銅烏 摯虞三輔決錄注實攸舉孝廉為郎

世祖大會靈臺得鼠如豹文問羣臣莫知者攸對曰鼯

鼠也見爾雅詔按祕書如攸言賜帛百匹 薄后

傳漢王四年坐河南成臯靈臺 水經注鎬水北

逕漢靈臺西又逕磁石門西門在阿房前悉以磁石為

之令四夷朝者有隱甲懷刃入門而脅之以示神亦曰
却胡門明堂北三百步有靈臺元始四年立

漢雲臺

五行志雲臺周家所造圖書術籍珍玩寶怪所藏 列
傳馮魴建武三年召詣行在所見於雲臺 陰興領侍
中受顧命於雲臺廣室注洛陽南宮有雲臺廣室殿

范升為博士建武四年正月朝公卿大夫博士見於雲
臺令升與韓歆許淑等辨難 樊曄建武初引見雲臺

酷吏周黨光武引見伏而不謁范升奏毀曰願與坐雲

臺之下考試圖國之道逸民索盧放建武末徵不起光

武使人輿之見於南宮雲臺獨行賈逵為郎與班固並

校祕書應對左右肅宗好古文尚書左氏傳建初元年

詔逵入講北宮白虎觀南宮雲臺傳論永平中顯宗

圖二十八將於南宮雲臺馬援傳援女立為皇后顯宗圖畫建武中名臣列將於雲

臺以椒房故獨不及援東觀記明帝時永平五年秋大旱御雲臺上

筮得蹇卦帝以問沛獻王輔文選沛獻訪對於雲臺順紀登雲

臺召百官永和元年十月丁亥承福殿火帝避御雲臺

靈紀中平三年鑄黃鍾四注鍾垂於玉堂及雲臺殿前

見官者傳

李尤銘曰周氏舊居惟漢襲因崇臺增峻上擬

蒼雲 東京賦南則前殿雲臺 洛陽記雲臺高閣十

四間 淮南子云云高誘注臺高際於雲故曰雲臺

文選謝朓詩獻納雲臺表

漢清源臺

隋志漢明帝遣郎中蔡愔秦景使天竺求佛經得四十

二章因立白馬寺其經緘于蘭臺石室又畫像於清源臺及顯節陵上 文苑英華南宮畫像送於清源之臺 冊府元龜云清涼臺

漢章臺

又見殿類

魯恭傳永元九年召拜議郎八月飲耐齋會章臺詔使小黃門引恭前其夜拜侍中勅使駮乘 肅宗親御章臺冠馬鉅 東京賦內則含德章臺 前張敞傳走馬章臺街注孟康曰在長安中 秦有章臺宮

蘇秦傳云朝於章臺之下揚雄云蘭生收功於章臺

馬融讀書臺

元和志在盤屋縣東北二十七里

魏銅爵臺 三臺 水井臺 金虎臺

九華臺

魏志建安十五年冬作銅爵臺于鄴十七年春悉召諸子登臺使各為賦臨淄侯植援筆立成云立中天之華

觀兮連飛閣於西城臨漳水之長流兮望衆果之滋榮

魏文帝賦曰飛閣嵒其
時起層樓儼以承天

十八年九月作金虎臺鑿渠引

漳水入白溝以通河黃初七年三月築九華臺 魏都

賦三臺列峙以崢嶸亢陽臺於陰基擬華山之削成上

累棟而重雷下冰室而涵冥雲雀踉蹌而矯首壯翼搗

鏤於青霄雷雨窈冥而未半暎日籠光於綺寮注銅雀

園西有三臺中央有銅爵臺有屋一百一間南則金虎

臺有屋一百九間北則水井臺有屋一百四十五間上

有冰室三臺與法殿皆閣道相通 水經注魏武封於

鄴城之西北有三臺因城為基巍然崇舉其高若山建安十五年所起春秋古地云葵丘地名今鄴西臺是也其中銅雀臺高十丈有屋百餘間南則金雀臺高八丈有屋一百九間北曰冰井臺亦高八丈有屋一百四十間上有冰室室有數井井深十五丈藏冰及石墨又有粟窖及鹽窖猶有石銘存焉 北齊書文宣天保九年發丁匠三十萬人營三臺于鄴因其舊業而高博之大

起宮室及遊逸園至是三臺成改銅雀曰金鳳金虎曰
靈應永井曰崇光十一月登三臺御乾象殿朝燕 國
史志相州安陽有銅雀臺鄴有三臺

魏陵雲臺 九華臺

三國志文帝黃初二年築陵雲臺

洛陽記曰高二十三丈登之見孟津 洛

陽簿凌雲臺閣十一間 述征記
曰陵雲臺在明光殿西高八丈

七年三月築九華臺

樓觀精巧先稱平衆木輕重然後造無錙銖相結臺雖
高峻常隨風搖動而終無傾倒之理明帝登臺懼其勢

危別以大木扶持之樓即傾壞論者謂輕重力偏也

又黃

初四年正月築南巡臺于
宛六年九月築東巡臺

晉華廡傳武帝登陵雲臺

汝南王亮傳武帝登陵雲臺望見曰伏妃可謂富貴也

魏永始臺 丹書臺

文選何晏景福殿賦鎮以崇臺實曰永始注永始臺名
鎮在宮南闌門此臺下有倉廩韋仲將景福殿賦曰時
襄羊以劉覽步華輦於永始知稼穡之艱難壯農夫之

克敏地理志許州有丹書臺魏文帝受禪有黃鳥銜
丹書集此臺述異記郭景純注爾雅臺今在夷陵
郡

晉靈臺

官志太史又別置靈臺丞潘岳閒居賦靈臺係其高
峙窺天文之祕奧注陸機洛陽記靈臺在洛陽南去城
三里辟雍在靈臺東相去一里元魏紀太和十六年
春登靈臺觀雲物

晉豫章學臺

范甯傳為豫章太守大設庠序遣人往交州採磬石以供學用改革舊制不拘常憲遠近至者千餘人資給衆費一出私祿并取郡四姓子弟皆充學生課誦五經又起學臺功用彌廣

後魏閱武臺

後魏紀孝文大和十八年八月丁未幸陰山閱武臺臨觀講武 明元永興二年七月丁巳立馬射臺 魏志

胡質都督青徐置東征臺且佃且守

後魏講武臺

水經注太和十八年從高祖北巡屆於陰山之講武臺
臺之東有高祖講武碑文中書郎高聰之辭 吳孫權
於武昌臨釣臺

唐紀功漢武臺

詳見紀
功類

太宗紀貞觀十九年自洛陽宮伐高麗六月敗之於安
市城東南山九月班師十月次漢武臺刻石紀功 太

宗實錄貞觀十九年十月班師次漢武臺餘基三成傍
有祠室瑩域帝顧問侍臣對曰此是燕齊之士為漢武
求仙之處其地俯臨大海長瀾接天岸多峻石奇怪之
狀帝製文刻於石

唐仰觀臺

集賢注記唐大明宮集賢院內西院正屋三門四架一
行所居院中有仰觀臺即一行占
候之所兩京記東都闕北
及南皆有觀象臺太史仰觀之所

唐舞鶴臺 萬歲臺 景雲臺

見封禪類

高宗封泰山

唐講武臺

見講武類

地理志許州臨潁有講武臺本尚書臺馬融講書之地顯慶二年十月高宗大閱于此更名太原府晉陽西北十五里有講武臺飛閣顯慶五年築 左傳成周宣榭

注講武屋

唐銀臺

高宗龍朔三年十二月庚子詔以舍元殿前銀臺閣內
並覩麟迹改來年為麟德元年 李肇記學士出銀臺
乘馬 宋朝通進銀臺司舊隸樞密院凡內外奏覆文
字必關二司然後進御外則內臣及樞密院吏掌之內
則尚書內省籍其數以下有司或行或否得緣為奸樞
密學士向敏中請別置局淳化四年八月癸酉以宣徽
北院聽事為通進銀臺司命敏中及張詠同知二司事
內外章奏案牘謹視出入而勾稽焉月一奏課發勅司

舊隸中書尋令銀臺司兼領之九月乙巳以給事中封
駁隸通進銀臺司

唐測景臺

靈臺

見渾天及
司天臺

地理志河南府陽城縣有測景臺 會要儀鳳四年五

月太史令姚元辯奏於陽城測景臺依古法立八尺表

夏至日中測景一尺五寸正與古法同調露元年十一

月於陽城周公測景所得土圭長一丈二尺七寸

開元
十一

年詔太史監南
宮說刻石表焉開元十二年四月二十三日命太史監

南宮說及太史官大相元太等馳傳往安南蔡蔚等州
測候日景及還京與一行師一時校之並差不同一行
以南北日景校量用勾股法算之云大約南北極相去

纔八萬餘里

餘凡履
矩圖

范榮有測景臺賦

靈臺候簿

見大
行歷

韋承慶有靈臺賦

隋劉祐著觀臺飛候六卷

周禮大司徒以土圭之法測土深正日景日至之景尺
有五寸謂之地中注日景千里而差一寸尺有五寸者
南戴日下萬五千里地與星辰四游升降於二萬里之

中是以半之得地之中今潁川陽城縣是也

唐肅政臺 文昌臺

官志御史臺文明元年

九月甲寅即光宅元年

改肅政臺光宅元

年分左右臺尚書省光宅元年改曰文昌臺長安三年

閏四月巳卯

曰中臺

隋大業三年四月壬辰增謁者司隸

與御史為三臺

唐靈臺

司天臺

並見官制臺省

舊紀乾元元年三月辛卯改太史監為司天臺 歷志

韓頴直司天臺

唐麟臺 鸞臺 蘭臺

官志垂拱元年改秘書省曰麟臺門下省曰鸞臺龍朔

二年改秘書省曰蘭臺

文粹韋表微麟臺碑銘

序曰元和

五年十一月使鄆經獲麟之舊壞後之人築臺於此以旌厥路

唐浚儀岳臺

天文志開元十二年得浚儀岳臺晷尺五寸三分東

京記祥符縣西九里有岳臺圖經云昔魏王送事霍山

神築此臺禱於其上因以為名宣德門前天街西第一

岳臺坊

浚儀祥符二年改祥符

國史地理志祥符有岳臺

唐集靈臺

舊紀天寶元年十月辛丑造長生殿名為集靈臺以祀

天神

張良器有賦

天寶二年進士試

唐神爵臺

地理志陝州硤石縣東有神雀臺天寶二年以赤雀見

置

唐御注孝經臺

文苑英華張昔御注孝經臺賦云索隱鉤深詞約意遠
勒睿旨於他山之石植崇臺為儒林之苑王猷玉潤帝
典金清嚮之者修睦就之者起敬三千子之鼓篋邈矣
且瞻十八章之箴規揭之備舉高而不危者尚乎臺磨
而不磷者莫如石金字累累以條貫銀鈎歷歷而交映

唐連弩臺

李元諒傳貞元中節度隴右築連弩臺遠烽候為

守備西戎憚之

初學記費北有積弩堂晉成帝

作

唐宿羽臺

見上陽宮

唐望仙臺

武宗紀會昌五年正月作仙臺于南郊

武宗作臺于城之南孫樵作露

臺遺基賦以諷之 先是會昌三年夏作望仙觀于禁中六年六月甲申又作望仙樓于神策軍

舊紀

會昌五年正月己酉朔敕起望仙臺於南郊壇時道士趙

歸真特承恩禮 柳仲郢傳武宗延方士築望仙臺累
諫諍切 會要武宗會昌中於大明宮築臺號曰望仙
宣宗大中八年復命葺之右補闕陳叔抗疏立罷修營
八月改為文思院

唐麗春臺

兩京記東都城有流杯殿在麗春臺北有東西廊南至
麗春臺北連弘徽殿南頭皆亭子間以山池殿上作漆
渠九曲

太平興國講武臺

二年築講武臺于城西之楊村九月辛亥幸大閱三年十二月乙丑幸觀飛山卒六年十二月己卯幸賜從臣飲後梁開平元年十月辛繁臺講武

本梁孝王吹臺

二年七月改為講武臺

雍熙觀耕臺

四年九月內降手札來年正月有事東郊行藉田禮十月詳定所言舊禮於先農壇東別立觀耕

臺帝禮畢登臺以觀公卿請高五尺餘如先農壇

至道渾儀臺

元年十二月庚辰渾儀成司天監築臺置之 慶元四年七月祕書省築渾儀臺高二丈一尺

慶曆欽天臺

實錄慶曆三年五月丁亥上閔雨露立殿庭御衣霑潤戊子雨輔臣稱賀辛卯築欽天臺于禁中

長編通畧
云欽天壇

仁宗以天久不雨降服徹膳躬自

暴露夜輒升壇禱祠達旦不寐 元魏有天文

殿

元豐候臺

見儀象類

元祐御史臺

元祐三年新作御史臺成詔曾肇為之記曰御史見於周掌贊書受法令而已戰國以對執灋亦紀事之職也

秦漢始置大夫位亞丞相副曰中丞督部刺史受公卿
奏事其屬有侍御史出討姦猾治大獄於是專繩糾之
任厥後政事歸尚書而御史與尚書謁者並為三臺大
夫更為三公而中丞為臺率與尚書令司隸校尉朝會
皆專席為三獨坐隋唐復置大夫天下有寃而無告者
得與中書門下省詰之謂之三司自是御史益為雄峻
其屬有殿中監察并侍御史為三院侍御史一人知雜
事橫榻而坐謂之南牀皆專彈劾不言事本朝因之真宗

增置言事御史其後皆得言事然以大夫為兼官不治
臺事以郎中員外郎兼侍御史知雜事以貳中丞以太
常博士以上為三院未至者為御史裏行監察至神宗
正官名始歸大夫職以侍御史治雜事罷御史裏行而

復六察官分守既定廼相官府

元豐六年六月乙巳朔
詔六察各置一御史

蓋御史臺建於宣化坊自開寶五年纔有東西獄七年
雷德驥分判三院事請而大之屋不及百楹天禧二年
復詔增廣至三百六十楹訖于元豐垂七十年神宗倅

圖程工以授有司舊闕大夫聽事踵鄴都制度闕門北鄉取陰殺之義至是置大夫聽事闕門東鄉上即政之初實遵先訓猶以大夫虛員始省管築闕門北鄉仍故不改以元祐二年六月乙亥始事三年八月庚辰卒功為屋三百五十一楹

詳見官制

慶曆五年九月十八日庚

子置南京留司御史臺七年六月二十一日壬戌置北

京御史臺命馬絳掌之

西京舊有之用分司官一人或特命官

開寶六

年十月丁酉雷德驥為秘書丞分判御史臺三院事景

德四年五月詔臺有當糾而不糾者尚書省彈奏寶元

二年十二月詔御史缺官具兩省班簿來上朕自點一

人慶歷四年八月詔臺官毋用輔臣所薦

嘉祐四年五月詔除之

天聖七年九月知雜鞠詠言申謁
寧九年十一月中丞鄧潤甫請除之

熙皇祐三年十月

乙巳上諭宰臣曰諫官御史必用忠厚淳直通世務明

治體之人以革澆薄之敝自是詔舉御史必載帝語降

勅

先是天聖元年四月丁巳詔近臣舉諫官御史

治平二年范純仁為殿中呂

大防為監察內出姓名而命之元豐六年九月置檢法

主簿元祐三年十二月十四日詔刊神宗舉御史詔于
御史臺紹興元年九月侍御史沈與求請舉行元豐六
察舊法二十五年十二月一日手詔風憲之地朕親除
公正之士以革前弊宜盡心乃職惟結主知翌日右正
言張修請刊聖詔于臺及諫院三十年四月二十七日
丙子詔以神宗命臺臣舉忠純體國之人補御史詔重
刊于臺 文苑英華烏臺賦旌良表正瘴惡繩回官則
秦置臺從漢起

歷代臺名

五帝時

九成有城

戰國時

崇霞燕
姑蘇吳

前漢

通天 承光 神明 日影 通靈 八風
王莽

後漢

魚梁

前魏

凌雲 銅爵 金虎 南巡 九華 金鳳

冰井 鬪鷄 永始 中天

後魏

凌雲 靈芝 九華 鹿苑 閱武 含章

隋

建章 麗春 麗日 月輪 雲光 集靈

三十六國

凌霄 觀雀 涼馬 仰觀 閱馬

六朝

望耕 日觀


北齊

金鳳 崇光 應聖

丹臺新錄所載

閏 金 高晨 鬱 墉 雲

古者天子立靈臺以揆乾度諸侯設觀臺以望雲物文
王造周民樂經始而播之詩魯公視朔史謹備豫而載
之傳清臺之名視周魯雖異原其用一也



玉海卷一百六十二